



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

III. Vt ecclesiae Arelatensi suae parochiae restituantur.

urn:nbn:de:hbz:466:1-14918

scopi formatas acceperit, quibus sacerdotium suum, vel locum ecclesiasticum quem habet, scriptorum eius ad stipulatione perdoceat. Quod ea gratia statuimus, quia plures episcopi, siue presbyteri, siue ecclesiastici simulantates, quia nullum documentum formatarum extat, per quod valeant confutari, in nomen venerationis irrepunt, & indebitam reuerentiam promerentur. Quisquis igitur, fratres carissimi, prætermissa prædicti formata, siue episcopus, siue presbyter, siue diaconus, aut deinceps inferiori gradu sit, ad nos venerit, sciat se omnino suscipi non posse. Quam au^toritatem vbique nos misisse manifestum est, ut cunctis regionibus innotescat, id quod statuimus omnimodis esse seruandum. Si quis autem hæc salubriter constituta temerare tentauerit, sponte sua se a nostra nouerit communione discretum. Hoc autem priuilegium formatarum sancto Patroclo fratri & coepiscopo nostro meritorum eius speciali contemplatione concefsumus.

II.

Iussimus autem præcipuam, sicuti semper habuit, metropolitanus episcopus Arelatensis ciuitatis in ordinandis sacerdotibus teneat au^toritatem. Viennensem, Narbonensem primam, & Narbonensem secundam, prouincias ad pontificium suum reuocet. Quisquis vero posthac contra apostolicæ sedis statuta, & præcepta maiorum, omisso metropolitano episcopo, in prouinciis supradictis quemquam ordinare præsumperit, vel is qui ordinari se illicite sciuerit, vterque sacerdotio se carere cognoscatur. Quomodo enim potest au^toritatem summi pontificis obtinere, qui quæ erant pontificis seruare contempsit?

III.

Omnis sane admonemus, vt quique finibus territoriisque suis contenti sint: de qua re, ne ad nos querela vltterius redeat, admonemus. Dedit enim exemplum Arelatensis ecclesia, quæ sibi Citharistam & Gargariam parochias in territorio suo fitas incorporari iure desiderat, ne de cetero vllus sacerdos in alterius sacerdotis præsumat iniuriam. Sane quoniam metropolitanæ Arelatensis vrbivetus priuilegium minime derogandum est, ad quam primum ex hac sede Trophimus summus antistes, ex cu-

ius fonte totæ Galliæ fidei riuulos acceperunt, directus est : idcirco quascumque parochias in quibuslibet territoriis, etiam extra parochias suas, ut antiquitus habuit, intemerata auctoritate possideat. Ad cuius notitiam, si quid illic negotiorum emerserit, referri censuimus, nisi magnitudo causæ etiam nostrum requirat examen. Data xi. Kalendas Apriles, Honorio Augusto XI. & Constantio II. consulibus.

NOTÆ IACOBI SIRMONDI
SOCIETATIS I E S V.

^a *Citharistam & Gargariam.] Lege Gargarium.* Vetus tabula non-
dum edita, quæ extat Arelate: *Paganipagi Lucreti qui sunt finibus A-*
relatenſum loco Gargario. Atque ita codices antiqui, Arelatenſis &
Lirinensis, quibus maxime, ac tertio Pithœano, in recensendis Zo-
fimi epistolis vni sumus. At Citharistanae parochiaæ mentio est iti-
dem in libro 2. vitæ S. Cæſarii Arelatenſis.

NOTÆ SEVERINI BINII.

^a *Epistola.] Quia per S. Trophimum, S. Petri apostoli discipulum,* in Gallias euangelium allatum, sedesque Arelatenſis erēta fuit, ideo eidem ecclesiæ olim ea priuilegia a sede apostolica concessa fuerunt, vt primaria Galliæ ecclesia haberetur, episcopi illius non solum pallium acciperent a Romano pontifice, sed etiam vicem eius agerent, ipsiusque vicarii dicerentur. Hoc præter epistolas Zofimi ex vetusto codice Arelatenſis ecclesiæ acceptas, testatur Gre-
gorius in epistola ad Virgilium Arelatenſem episcopum, nec non in epistola sequente ad vniuersos Galliarum episcopos scripta. Bonifacium & Cælestinum pontifices, hac de re aliter sensisse infra dicemus.

^b *Narbonensem primam.] Canone 1.* Concilii Taurinensis sub Si-
ricio constitutum fuerat, vt prouincia Narbonensis Massiliensi epi-
scopo subderetur. Hoc Zofimus pontifex, vt Arelatenſis ecclesiæ pri-
uilegia salua manrent, hic plane irritauit. Vide epistolam Zofimi
ad Viennenſis & Narbonenſis prouinciaepiscopos scriptam infra:
item Baronium anno 417. num. 40. & 43.